

愚

齋

存

稿

愚齋存彙卷第二十六目錄

電報三

寄李傅相

寄北京總署天津夔帥

寄總署

寄王夔帥

王夔帥來電

總署來電

張香帥來電

又

寄張香帥

又

又

又

總署來電

寄總署

寄李傅相

李傅相來電

寄李傅相

寄總署

寄張香帥

王夔帥來電

寄總署

張香帥來電

寄張香帥

張香帥來電

寄張香帥

王夔帥來電

寄王夔帥

張香帥來電

寄香帥

張香帥來電

王夔帥來電

寄王夔帥

李傅相來電

寄李傅相

張香帥來電

寄張香帥

又

香帥來電

寄北京榮中堂

寄總署

寄翁尙書

總署來電

榮中堂來電

寄王夔帥

又

寄京總署津夔帥

又

王夔帥來電

愚齋存稿

卷二十一

思補樓藏版

總署來電

又

王夔帥來電

寄夔帥

翁尙書來電

寄夔帥

寄李傅相

李傅相來電

寄榮中堂

寄李傅相

又

李傅相來電

寄李傅相

寄總署



愚齋存彙卷第二十六

電報三

寄李傅相

光緒二十三年正月初三日

華士賓非爲借款而來意在包掃一切坎理尙願原約  
現商僱其帶來工師勘估全路再議辦法尙有別家來  
議欲求穩妥難厭磋磨總之此路五年必成一千三百  
萬外決不再請官款但須總署堅持原議勿爲浮言搖  
惑銀行股分甚踴躍條款想已鑒及公中存息望玉成  
之

寄北京總署天津夔帥

正月初五日

美商初議包辦已力止同來美工師本領甚高已會商  
訂定先令勘估全路俟勘畢再酌議華士賓赴日本後  
尙擬進京比國銀行亦允派人來議擇善而從一面開  
造一面借款庶不爲所挾亦不擔擱工程

寄總署

正月初五日

前蒙調回張振勳商辦鐵路該道爲各埠華商領袖已  
派充銀行鐵路總董龔使電催已飭回新加坡領事任  
張在坡頗得力乞電羅使赴英後暫緩更動如易生手  
招股有礙交涉亦無益

寄王夔帥

正月初五日

頃由蘇還滬卽打發美工師赴鄂勘路將吳淞買地銀行用人稍部署卽須赴鄂昨奉部電銀行存款百萬已照准商情愈可奮發俟諸事大定擬立商會公所各分責成但如外國商務總其成而已

王夔帥來電

正月初六日

華士賓挾成見而來一時不易就範進京不無希冀然此事當軸應有成竹卽或游移我輩只能堅持萬無遷就之理銀行機勢大順厥功甚偉設公所而總其成是恰好地位權望日隆惟望兢業自持而已

總署來電

正月初六日

商行名妥章程亦周備惟聘用西人能如買辦成  
式具保爲佳或如商局船主辦法去留在我較活  
希酌裁

張香帥來電

正月十三日

湖北恩施鄖三府所屬州縣去年春夏乾旱秋閒  
霖雨米穀包穀番薯芋芋全行壞爛各該處皆係  
窮山僻壤處處貧瘠僅食雜糧素無蓋藏運販難  
達又無他項生計災民苦極數月來多食草根樹  
皮及觀音土食者輒病餓殍枕藉搶奪繁興地方

官寄來饑民所食草土各物慘不忍觀雖迭次籌撥錢數萬串散賑平糶杯水車薪終無補益該處又無富戶勸捐鮮濟祇以京山潛江天門荊門江陵監利松滋石首漢川九州縣因去秋江漢並漲隄埧潰決三百數十處現正借庫款湊捐款分投修築以工代賑共需錢四十餘萬串全力盡供此數處隄工已用錢二十餘萬串不敷尙多司道各庫羅掘早盡近處災區尙難補救更無力顧及宜施官吏呼籲無從批飭司局束手惟有焦愁弟奉職無狀致此災禍疚悚莫名難安枕席善士嚴佑

之等派人往查目覩苦況而鉅款難籌萬不得已  
惟有爲乞鄰告糴之舉湖北現已奏准展辦賑捐  
一時緩不濟急擬懇尊處俯照前年湘賑之數借  
墊賑款十萬金專充宜施賑款台端仁心仁聞素  
切民瘼局面宏偉一經提倡鉅款不難竊思湘鄂  
一體而前年湘災輕於鄂災數倍且台端於湖北  
舊日有桑下三宿之情以後爲旌節常臨之地必  
更不肯漠然如蒙俯允卽請迅賜匯鄂以救眉急  
其實收卽當寄上總之無論如何爲難務懇如數  
墊寄或別有良法或他處挪借酌認數萬利息均

無不可他省窘狹與鄙人亦多無交非尊處無可託鉢也活此百餘萬災民功德豈可億計下懷感叩更不待言飛電奉懇卽候示復

又正月十四日

二赤九條明係沮華助洋鄙人現擬奏請華商機器製造之貨暫緩行抽十之法俟洋商進口稅先加之後華商再一律照加立言大約以華廠虧賠歇業以後洋廠獨攬加稅有虛名受實禍等情爲詞本擬卽日繕發惟佐證不多恐難動聽閣下南北商務均澈源流請卽作一節略詳陳利弊痛切

發揮並代總署籌一支展辦法聊慰其意以免固執前說敝處當照尊指發揮電音恐不能盡望卽作詳函飛示五日內當可接到此奏事在必行尤不可緩切懇此事蘇浙兩帥所見均同惟南洋不以爲然將來尤望向戶部設法陳說疏通方可邀准卽盼示復再上海蘇浙所有華洋機器造貨各廠數月以來必有完稅之事究係如何完法是否仍按抽五祈示又聞洋人有不允洋商機廠抽十已赴京瀆辯之說確否并示

寄張香帥

正月十四日



奉元電宜施被災前請兩司截漕未蒙許可勸捐已成  
弩末湘墊迄未歸繳漢廠賠累尤鉅去冬僅措一萬以  
應方伯之命深抱歉疚鈞諭懇摯勉力再墊二萬卽日  
解呈乞飭司續發二千張姑爲勸辦從前直賑以川廣  
爲大宗川藩楚人似可電託

又正月十七日

鹽電離廠稅抽十之法俟洋貨進口稅先加之後再辦  
實係至理十九年宣請給南北洋憑照方准設廠力杜  
洋商製造然洋商照造土貨固不如華商自造而洋商  
僱華人買華產仿造洋貨猶勝於洋貨進口多矣若廠

貨抽十進口貨抽五議者無非謂華商一律可服洋商  
實則陽抑製造而陰助進口其術甚狡去年華商縲絲  
廠二十餘家約賠數百萬紡織廠亦賠百萬再重征什  
一華商本短力薄必致歇業悉歸洋商壟斷與興利塞  
漏本意甚背去年七月美使田貝照會總署請緩目前  
滬廠仍照舊章抽五華商正擬公稟亦恐南洋不肯轉  
奏宣在京津曾昌言於合肥常熟仁和均許緩辦但總  
署有願速加者鈞處如卽奏此間華商當卽公稟南北  
洋蘇浙撫請咨奏以歸一律並請速寄奏稿以便函達  
戶部洋商如何俟查明再電

又 正月十八日

頃據英總領事云日本初擬上海蘇杭各處設廠自議  
廠稅抽十彼廠均停罷其貨路近本輕必湧銷奪我生  
計此中國受林董朦蔽英商未必肯允或稍加則可云  
宣前與合肥南海密籌如欲沮洋商而助華商惟有一  
律抽十之後發還一半擬俟大疏咨到再函商譯戶盛  
守已飭具稟仍望詳告

又 正月二十二日

德培諸事茫無頭緒鍊鋼廠一暴十寒七十二磅六十  
磅軌軸全壞八十五磅新軸未到諸匠束手鐵路應用

之物俱不能造終日與華洋人鬧皮氣昨因留用呂柏來函辭差只得允准隱忍數月賠累數十萬悔不早去之現已訂請美國總監工堪納第昨已到廠察議辦法候宣到鄂會商定議

總署來電

正月二十四日

俄署來言華電局與大北公司現定水線旱線同價惟華局要多占電費不肯平分確否電復

寄總署

正月二十五日

俄署所言電局與大北水旱線同價係專指中俄來往電報俄欲華造恰克圖線則中俄來往各電必歸恰線

居多今大北慮及此請與彼琿春水線平分並欲我免  
去內地至水線處本線報費喫虧甚鉅此合同一准造  
怡線徒費資本昨復大北須華得四分之三乃不喫虧  
乞轉告俄署

寄李傅相

正月二十六日

摩賡事自奉敬電又晤數次以豐甯灤平各礦准其先  
派洋師往勘再議辦法摩欲先定辦法再勘而北洋又  
必須總署核准方可定議師又謂不必請示總署頃摩  
賡來言帶領多人來華不能空手而回月初開河卽欲  
赴京面議與所稱家資百萬來華游歷不符如到京可

期轉圜極妙如慮格不能入日內羅潔臣到滬師或電羅勸止摩自言與羅相契宣下月初赴鄂

李傅相來電 正月二十七日

英使來言摩廢事已詳切告知竇亦謂摩口氣太大勸其委婉從命又惜其辦礦好手而不能用俄使昨稱聞觀音山擬令英人襄辦不妥須用俄人法使堅請用法礦師在滇粵開礦各國紛爭署均未允摩來京更滋疑謗小辦之說已告羅晤勸後能中止爲妙借債事想無成議比使謂其銀行人已起程一月可到又銀行事榮相駁斥多條署卽

函令議復弟須稍緩赴鄂羅到祈同閱此電

寄李傅相

正月二十八日

如欲摩不進京必須寶羅勸止既俄法紛爭恐小辦署亦難允債事有兩辦法另函密陳比一月到或來得及銀行利害歸商不應掣肘初六奉署電商行名妥章程亦周備卽已刊行中外洋人合同已定今忽駁斥多條勢難更改商董聞此信必懷觀望如駁在緊要處乞速示

寄總署

二月初一日

奉豔電英使照請緬滇電價展限十年查合同第六款

載明英一千八百九十七年正月以前卽光緒二十二年十一月月底止照註明之價不得增加如須裁減各隨其便現擬將第六條改照合同年期展至光緒三十年爲止彼此一律不能加價電局可允行乞照復英使轉致英印外部查照

寄張香帥 二月初六日

鐵路應用碼頭廠棧基地甚多京津淞滬皆定官價鄭道函稱漢地價已大漲鐵路經費有限豈能供市僧挾持且恐到洋人手內更難辦理請速俯照咨呈及錫樂巴所稟趕緊通飭地方官出示曉諭禁止賣地印契聽



候插標丈量庶免各人爭買業戶居奇直隸兩江皆係督撫告示乞速賜照辦

王夔帥來電

二月初七日

初三信到摺稿妥協無所增損商之香帥如無他議卽請會奏餘函復

寄總署

二月初九日

俄已允大北減收海參歲過線費大北所請同價中俄來往報費平分只得照允因此勒令東北兩公司將去夏所索南臺廈門設機各節作爲罷論惟照約華局之中俄來往報由俄線傳遞者亦應照大北一律減收乞

鈞署函致俄使彼必照允或仍由北洋與俄使簽准或由俄使照會總署立案乞鈞定此開同價平分合同應俟俄使復允簽字

張香帥來電

二月初十日

前見美工師爾立樞等自言其意只在察看此路生意興旺否以便酌定借款不過大略一看起程至勘舉赴京回滬共只兩箇月並草圖亦不能繪等語於測地估工全不相涉並呈出美商擬在中國設鐵路公司章程一件大約華洋皆可入股權利全歸美商察其來意甚爲狡妄當卽駁斥發還

試思此路北通京津海口將來西通歐洲南通廣東目前亦通上海生意豈有不旺之理何須察看且何須進京仍係營謀自立公司奪我路權耳此次華士賓不過一流人物故不願見令蔡道接晤以路事可自商盛督辦推之台駕到後如須鄙人一見方有益再當商晤便中函致總署須將爾立樞妄想明切駁斷若不燭其奸稍有游移含糊彼必堅謀竊冀設法繞灣引誘朦混漸漸作成洋公司局面不願借款外閒無論如何商借必推宕無成矣

寄張香帥

二月初十日

華士賓欲甚奢而爾立樞本領甚高故不惜川薪令一  
勘估鈞見駁爾拒華使其術不售甚佩日內有外國銀  
行議借須有實抵便無要挾俟數日有端倪卽來鄂稟  
商辦法請主持會奏

張香帥來電

二月初十日

前接電知閣下在滬設師範學堂未悉其詳今日  
晤彝卿知卽在京所議之達成館因京師奏動官  
款故專在滬設竊思此館極有益時局上海一處  
尙嫌未廣尊奏原係分設兩館何不分款一半在

鄂省分設一館則上游人才可萃風氣可開台駕  
此後必常到武漢教澤廣被士論必更欣頌樂受  
指揮一切仍由閣下籌辦鄙人並不干預尊意如  
何祈示復

寄張香帥

二月十一日

宣奏設南洋公學苦乏教習故先設師範學堂非達成  
館也在京奏籌兩館歲費十萬已續奏還充公學費所  
餘二萬餘金辦上海一館尙不敷鄂設一館極善惟輪  
電兩局尙有津堂四萬一款商力已竭萬難再增滬館  
雖擬專辦但出路未著實難鼓舞天下士統俟面陳

王夔帥來電

二月十三日

抵借一事舉數十年所謂自強至計傾筐倒篋而出之是冒天下之不韙也瀉底太甚斷不可行此事尙宜急脈緩受目前惟戶部千萬在所必爭耳  
宜慎之又慎

寄王夔帥

二月十四日

急脈緩受自是穩著惟借債招股俱落後難免人言實  
無兩全之策

張香帥來電

二月十五日並致夔帥

夔帥尊論極是電線抵借大可不必昨比領事來

見言其國家願借比他國總公道並可先借錢後造路不必先有路而後可押也如此辦法似借款必可成斷不致押電線矣日內卽與杏孫商之戶部款自應先發方順手奏稿想不久可到

寄香帥 二月十六日

比國銀行約定三月內可到滬面商借款議者甚多兜攬時無不容易及議條款必有要挾惟有實抵則一無掣肘夔帥不以借抵爲然只得先請部款一面造路一面借債所擬奏稿容面呈商辦

張香帥來電 二月十六日

昨比國領事法蘭吉來云奉該國君主命來見鐵  
路借款極願助力比係小國不干預他事較諸大  
國爲勝等語鄙人云聞美索息五釐英索息四釐  
但略有扣頭且須買伊物料因此未定如比國較  
他國章程公道妥善方可商大要五條一息只四  
釐一絲毫無扣一物料各國投標物好價廉者定  
不能必用比料一借款與路工截然兩事路工章  
程利益比國絲毫不得干預一借款惟有以路抵  
押惟須先借銀後造路不能待造成之路作抵假  
如借款共二千萬先議定總數銀分限交路分段



押總之先銀後路能允此五條當力勸盛京堂必  
用此款等語領事云借款毫無行用扣頭物料聽  
憑拆封路政絕不干預奉僱比匠賢否去留聽中  
國公司主持先借銀後造路分段押抵各節均當  
照辦惟利息問該國切意欲索五釐五毫已專人  
來華議此事半月可到如到華後問知各國現議  
情形必可減讓等語其章程似較英美爲妥惟息  
尙多然懇借甚切當易就範比小國流弊少美雖  
遠而大亦難保無干預意錫樂巴言之甚透澈特  
奉達請勿遽與英美定議至要各國爭借我可詳

擇已囑其專人到滬速奉謁

王夔帥來電

二月十七日

借款一事香帥看得太易誠然兜攬時通融異常  
定議時要挾特甚真深於閱歷之言頃接香帥錄  
致尊處銑電亦頗費苦心特恐無此順當事耳故  
示從容以有意無意處之借比國以諷示他國並  
借他國以操縱比國吾弟優爲之拙見仍不外急  
脈緩受四字而已

寄王夔帥

二月十八日

急脈緩受操縱之法謹當心領神會比使來電其銀行

人三月十五到滬此卽在都時面與比使所訂也英德現議四釐半九扣法議五釐不扣美議四釐九扣不能不干預款一日不還清權一日必下移金達尙不易駕馭況銀東乎所以夙夜憂懼不敢遽決尤慮局外不諒謂我猶豫少斷俟比國到後誠能如香帥所約五端更有何疑但聞比與法相連恐亦有要求也

李傅相來電 二月十八日

金達來言盧至保雖勘路購地而物料一無預備盧橋料由漢局自造恐難經久張黃接管津路意見不合黃較明白張於此事無歷練又不虛心但

求省錢皆屬可慮吾弟擔此重任辦無起色奈何  
美監工勘路已抵何處須與隨事商籌求合西法  
子梅兩月後赴任求替頗多孰可靠辭次申能承  
乏否三姓金鑛聞宋不得力摩賡到京條陳難允  
無甚要求或令其所帶礦師赴東察勘再議辦法

寄李傅相

二月十九日

盧保料單四十餘紙已由總公司在滬開標購外洋店  
多漢廠僅造十之一二已可裝運不歸金達開標致有  
怨望津路俟交收後擬另派人接管前與夔帥面商擬  
派花農爲子梅替人求者紛紛皆有利心三姓礦十萬

已用完宋不得力師意中有人往替否

張香帥來電 二月二十四日

川楚同災鄂省土著川省流亡災民日增餓殍日  
多慘不忍言湘鄂已購之米省城已碾之穀上海  
已買之薯不下十萬石運到者不過兩萬餘石快  
利承尊飭多裝兩次極感惟以後不知肯全裝否  
此間武漢官商紳民僉謂惟有撥一大江輪來回  
專運如江寬江窄江通等輪多裝速到始有全活  
實濟若現在辦法非三箇月不能運完仍恐災黎  
殘喘不能待矣惟商務所關自未便顧此廢彼務

請速籌一商務賑務均無妨礙之法竊思運米與商貨一律均付現價水腳并可酌加似與招商局無損可否飭快利以後專裝賑米此外再撥一大輪專運數次庶可有益銘感無既此外或別有良策無不遵辦閣下於湖北賑務籌款籌輪雙承慨助厚惠已多然轉運事惟有力可以主持不得不再瀆懇盼卽示復

寄張香帥

二月二十七日

鄂川糧多船少焦灼莫名沈道云憲臺南洋任內曾買怡和之公和船峴帥租與洋商訟未了現泊滬江由關

扣住此船裝米五千石喫水約十尺大可濟急乞卽電  
峴帥或電康侯卽可駛鄂

又二月二十八日

儉電鈞和運米不及公和之多頃任道電川米在鄂有  
九萬石三月內須運完乞派人查明川鄂米現存燕鄂  
待運者實數各若干或再設法租船恐船到候米亦爲  
難

張香帥來電 二月二十九日

公和卽江順船大而喫水淺自是合用鄙人深知  
惟滬關扣留訟案未了或洋人不允收回耶不知

其中曲折鄂省不願干涉如閣下能向峴帥借備設法令洋人不饒舌可專運川米功德無量矣施丞云川東道託辦米三萬石不知九萬之說此非鄂省事未便查詢且無暇舍已芸人請尊處問施丞任道自悉鄂米專在漢口買在湘買者亦下駛來鄂當漢口運至來電慮船到候米斷無其事約計鄂川米著在漢待運者以後尙有九萬八千石雖有三四大輪三月內亦運不完

寄北京榮中堂

三月初五日

銀行事初一呈復凡可通融者已勸諭商董遵辦兩旬



以來商股已挂號者稍有觀望華商氣散膽小本不易合原議悉照匯豐初開時辦法勢難過於抑勒此事若使聚而復散鐵路招股更難伏乞中堂俯念商務成敗所關迅賜核准見復俾得早日曉諭華商趕緊收股開辦至感至禱

寄總署

三月初五日

銀行原定三月開辦奉文駁詰多條商董集議此行雖蒙存款百萬係商人包繳官利官不任害若過於抑勒誰肯以私財而入公司中西銀號銀行皆無報効今值招商伊始遽加苛繩商情十分疑慮開導多次凡可通

融者俱已遵照實做不到者勢難勉強原議悉照匯豐章程現與匯豐初辦刻板條款大致符合華商難聚易散諒蒙洞鑒現擬改遲一月開辦呈復到日可否俯念此行頗關商務大局卽賜核准以免中墮貽笑外人餘俟詳細條款譯定再行奏復

寄翁尙書

三月初六日

借款稍有頭緒因此人有約須候比到相較再議美人勘路已抵黃河總須勘估大概方能分段策畫路線取信陽而舍襄樊已定頃到甯晤峴帥卽日赴鄂會奏辦法漢口秋後水退開工

總署來電

三月初十日

銀行事前議爲國家大局起見並無益上損下之  
意似非抑勒亦非苛繩商人當尙不致觀望今閣  
下旣以商務成敗所關卽請詳細斟酌開辦慎始  
圖終顧全大局爲要

榮中堂來電

三月十一日

銀行事已由總署公電答復仍望盡籌周備免貽  
他人口實總之但有益於大局無不竭力贊成

寄王夔帥

三月十二日

近有英商恭佩珥議借四百萬磅四釐半九扣較五釐

不扣彷彿要挾亦不甚擬草約數條候倫敦復電如可  
靠再電鈞處會電總署核辦香帥注意比人限三月十  
五到滬已電比使令其來人到鄂無論英比總擬會同  
香帥議定但合同雖可先定付銀期必在後恭所議來  
年付一百萬磅以後按六箇月付一期意在先用華款  
造一段抵一段也故千萬官款仍須速領方能速造香  
帥意亦相同

又三月十二日

俄路將至似應先將榆路造至吉林待俄路銜接仿照  
電線分得歐洲路利並分枝路至大連灣以佔水陸地

勢歸總公司自守權利勿爲俄人代造如法之於龍州  
主權盡失頃與香帥密商補救全遼此爲要著竊料盧  
漢洋債一定必有人來續議如鈞意亦以北路爲重屆  
時即可相機續借同時並舉庶不負歸併榆路之深心  
邊勢甚亟若待盧漢五年工竣再議恐已晚矣外人謠  
言已允俄代造至大連灣似不確然遲則難保不索請  
師勿以恢張爲嫌

寄京總署津夔帥

三月十三日

恭佩珥催訂草約甚亟謂歐洲市面易變遲則難行惟  
比國銀行原約十五六到滬比使來電必欲候他香帥

以此爲小國較妥樵野侍郎謂比無錢必有法國在內  
白藻泰亦云比法銀行相連盛不願法只好以比出名  
姑無論比國章程如何似須先定何國借款爲妥方可  
操縱大局所關應請鈞署定奪

又 三月十三日

美商及英法德各洋行議借款數月不成近有英人恭  
佩珥稱係中英公司首董議紳培壘派來專議路債已  
議定草約數款一借四百萬磅年息四釐七毫半九五  
扣二來年正月付第一批一百萬磅以後半年一批兩  
年付清三鐵路公司發債票督辦簽印國家作保以京

漢鐵路抵押四利息每年付磅一次五第十年起還本  
第二十九年還清六此路來年起五年一律竣工七材  
料在外洋購者七成歸該公司代購仍照開標最低之  
價八每次開標應將料單預交該公司再將三成料單  
交別行投標九該公司薦一鐵路熟手察看一切工作  
十總公司可向該公司代僱工匠十一四箇半月須將  
勘估清單交閱十二草約簽定四箇半月內正約在滬  
簽押十三借款未經付足如地球有戰事仍當照辦另  
立密約一條云或造枝路與京漢路連接或造漢粵路  
若借洋款別人章程與該公司一樣仍向該公司借以

上各款據恭云已接復電照允但限四五日卽須定議  
按美國之外尙以英德爲安歐洲勢變多端日後籌款  
更難所議各款並無要挾美商及各行俱做不到機不  
可失但恭僅據倫敦使署電云係公司所派究未知該  
公司是否可靠擬請鈞署密託英使電詢如確實是否  
可定並求先賜電示

王夔帥來電

三月十四日

英款草約無甚挾制息率五釐亦不大此好機會  
也英款定後比款必來堅請香帥旣屬意可商令  
稍讓些姑借作藩吉之用此著在所必爭行之有



序非恢張也我等三人既擔上肩子無畏首畏尾之理一切希與香帥妥商辦理斷無異議第一批銀期須明年正月所以官款不能不先領此層想已於摺內加入矣

總署來電

三月十五日

英商借款草約未到比銀行既遣道召來應俟其到鄂面商比較孰爲便宜再酌定未便以過期不候拒之

又三月十七日

比銀行現已到鄂否草約所議各款應俟與比商

議方能權其利弊以爲操縱希熟籌復

王夔帥來電

三月十八日

借款事轉署後至今無復從旁密詢云署意在比不在英已有電復尊處確否此事關係重大非得署中首肯確切勿輕率定議至要

寄夔帥

三月十九日

摺片十六專呈閱後再發比銀行二十二可到鄂英款暫宕深恐變卦總署篠電一欲俟與比商議方能權其利弊以爲操縱一以國家作保利害尙宜熟籌當與香帥妥議擬公電轉請鈞處會復路係國家之路國家不

保無論何人不能議借只要商借商還自己章程議妥有造成之路在何懼款無著耶原奏說帖皆載明諒須詳細聲說

翁尙書來電

三月十九日

代保一節上下疑慮走不敢知望妥酌再復比款由尊處發端若不借恐饒舌

寄夔帥

三月十九日香帥會電

鄂廠造軌以煤爲主開平運焦易碎苦難接濟去年右帥商調鄺榮光勘得湘潭煤礦甚好假旋天津而中止洋礦師未便赴湘只得仍借鄺榮光一用開平已成之

局且有洋礦師何吝一華員造軌爲造路根本乞顧念大局轉商燕謀仍飭鄺榮光迅速來鄂以便鐵廠籌款派往湘潭等處趕緊開辦感甚

寄李傅相 三月二十日

陳次亮部郎電香帥云俄人將取中旨創銀行攬華路禁各國借款俄謀秘而急根本可借他何惜焉并聞專走內間與杏翁作對蹶此興彼惟及該王爵未來將各路分認勿露洋款則我有辭彼無辭安危大局亟望主持等語香帥詢所言確否此人徧散謠言乞賜電復以釋羣疑

李傅相來電

三月二十一日

陳君混說洋情慣聽謠言英與日本忌俄甚新報  
多造蜚語而各報館信之有識者笑之俄豈能攬  
各路阻借款耶吳王人極平正此來必無他意俄  
主及其太后均有分致 兩宮手書誠懇可知

寄榮中堂

三月二十四日

奉真電已傳諭銀行各董四月杪或可開辦比銀行已  
到鄂會議亦欲國家作保並欲中國先用自己之款再  
用外國借款無論借何國債均須如此因無海關抵押  
也如部款不發徒曠歲月現已會奏請發部款先行趕

造則借款招股均可按照說帖辦理此摺約二十六見面事關大局乞於邸前代稟

寄李傅相 三月二十四日

比銀行已面議亦欲國家作保並欲中國先用自有之款開造再用洋債暗合造一段抵一段之議招股照說帖亦須在造成之後故部款千萬如不速發徒曠歲月會疏二十六見面乞於邸前略陳大概比索利息較多於英買料用人須全歸比不及英通融惟英欲預訂粵路亦借英款香帥慮其通港堅持不允恐只可喫虧借比款矣前商夔帥奉旨路擬借比款由榆接展今盧漢

歸比可否借英款造奉吉未知於俄有無忌齷乞速示  
以備操縱

又三月二十四日

陳季同洪熙串同林岷等請辦蘇甯鐵路江南督撫皆  
未批准擅自設立大中公司哄騙招搖攪亂大局中有  
京官在滬隱爲謀主聲言日內回京必設法傾軋總公  
司而助大中公司以致礙難查禁路事處處棘手極願  
讓賢尙有此輩混鬧更難抵制乞密告虞山可否於李  
福明拏辦案內明降諭旨以垂厲禁庶可消弭

李傅相來電三月二十五日

部款千萬虞山前談及准發但須續借洋款到手方可勻給奉吉路與俄連俄廷前謂中國自造准接若以他國代造則不准接英勿庸議李福明事已明降如不中止應設法解散

寄李傅相

三月二十七日

奉沁電華士賓無須國家作保四釐九扣不侵督辦之權皆妥路事須令總理亦屬可行惟在滬初要包辦繼要經手鐵路所需各件另給五釐酬勞並要給紅股票四分之一本路進款開銷付息外三十年內餘利均攤故不能行英比皆無此等需索乞再面詢華士賓如照



鈞電所言刪除滬索包辦酬勞紅股三端可速來鄂面  
議英比均不肯久候來亦宜速乞示

寄總署

三月二十八日夔帥香帥會電

盧漢以拱衛爲本商務其末也惟因官款難全籌官事  
難核實乃立公司又因商股宜漸集商力宜扶持乃准  
公司借洋債蓋此路重在備緩急不僅在課盈虛卽以  
盈虛論如此長路收費必盈糶料工竣後每年必有商  
股陸續可收復有路利盈餘可提實有把握但洋債合  
同旣欲列國家作保字樣則鐵路不能不設一國家收  
回之說未必確有其事也況五年後路本值四千餘萬

俟拔還洋債一半光景則以四千餘萬之路僅抵銀一千數百萬矣不妨再借第二款所謂借債還債公司亦已預籌及此公司有人豈甘暴棄卽如津榆鐵路未至錦州瀋陽不爲繁要而通盤計算亦實有利可圖指日京津通軌其利更顯而易見事關久遠不憚審思謹再據實詳陳伏祈垂察

愚齋存彙卷第二十六

愚齋存彙卷第二十七目錄

電報四

李傅相來電

寄李傅相

寄翁叔平宮保

總署來電

又

寄榮中堂

寄李傅相

李傅相來電

是齋有集  
卷二十一  
目錄  
寄李傅相

寄榮中堂

張香帥致王夔帥電

夔帥復香帥電

李傅相來電

寄李傅相

寄總署

寄王夔帥

李傅相來電

翁韋齋來電

寄總署

王夔帥來電

寄夔帥

李中堂來電

寄總署

李傅相來電

寄夔帥

寄李傅相

李傅相來電

又

寄李傅相

寄湘撫陳右帥

李傅相來電

寄李傅相

又

寄總署

香帥致夔帥電

夔帥來電

夔帥復香帥電

川督鹿芝帥來電

總署來電

寄總署

寄李傅相

寄王夔帥張香帥

李傅相來電

又

夔帥來電

寄王夔帥張香帥

寄川督鹿芝帥川東道任逢辛觀察

王夔帥來電

張香帥來電

寄張香帥

寄浙撫廖穀帥

寄李傅相

寄夔帥

張香帥來電

寄香帥

寄李傅相

寄王夔帥張香帥

寄北京比費使



寄比國外部

夔帥來電

北京比使來電

寄王夔帥張香帥

李傅相來電

寄王夔帥張香帥

寄李傅相

張香帥來電

李傅相來電

張香帥來電

又

又

寄香帥

寄李傅相

李傅相來電

張香帥來電

寄李傅相

寄夔帥

夔帥來電

寄李傅相翁尙書

李傅相來電

寄李傅相

又

李傅相來電

張香帥來電

寄李傅相

寄翁尙書

寄張香帥

湘撫陳右帥來電

寄李傅相

李傅相來電

張香帥來電

寄李傅相

愚齋存彙卷第二十七

電報四

李傅相來電

光緒二十三年四月初二日

比使來言借款國家既不作保卽以鐵路抵押殊失初望擬電本國行東商酌辦法約三日有回信求屬尊處稍待華士賓尙未回容再與安商

寄李傅相

四月初三日

比使旣電商本國自應稍待頃領事接比使復電似尙活動現議五釐息不扣條款與英相仿不提粵漢似尙可行

寄翁叔平宮保 四月初五日

比債息五釐不折扣條款惟工程均用比匠料物自造  
外均買比物不及英款餘皆妥協似只好就此定局以  
免謠言百出並與比言合同內寫國家批准字樣不必  
明寫作保而自保矣比人已電商彼國似尙可允但彼  
慮國家給公司之權力年限之內或有中變無以堅銀  
東之信可否奏定總公司准認辦五十年並准擴充蘇  
杭粵漢濟吉各路以聯南北均不另立門戶如可核准  
明發則公司辦好年限內不慮他人攘奪或可不寫作  
保而洋債可信華股可招俟比定議再會電奏

總署來電 四月初七日

東省鐵路公司請在齊省至海蘭泡電桿上加線  
一條係該公司駐京幫辦璞科第稟請議定鐵線  
碗鈎機器材料均由公司自備原稟甚明與俄署  
無干現許使函稱該公司擬改新路欲由伯都訥  
至甯古塔不由齊齊哈爾經過卽加線須另議地  
方應俟吳王到後商定再電知該局預爲籌備毋  
庸請緩張家口一路電工致失大信

又 四月初八日並致夔帥香帥

奉 旨本日據王文韶等電奏借款代保改爲國

家批准原可允行惟批准二字亦非輕下合同萬  
無御筆批字之理若批於摺奏之內則此摺尙未  
奏到該督等何由知爲必准耶卽使批准亦專指  
借款而言不得牽涉公司權利及推廣辦法以免  
含混草合同底著卽電來數日內且勿畫押欽此

寄榮中堂

四月初九日

鐵路借款非常之難美國定要包全工額利之外另索  
餘利四分之一儼然股東事權全屬流弊甚大英國較  
通融南皮不願比國志在工作尙覺遷就亦幸以英美  
相逼且未經狀師之手也惟國家不保彼公司必欲知



我公司國家准給承辦年限能否歸還借款似亦情理  
草合同底已電陳倘此款借不妥恐此路難速成才疏  
任重萬分焦灼乞中堂俯察密商邸堂至感

寄李傅相

四月初十日

比合同磋磨已至極處惟吾師灼知此中艱難五年必  
成彼未勘路故欲作活筆要刪亦可買料五釐用錢除  
自造鋼軌外約購外料千萬兩所費僅五十萬兩四釐  
九扣較五釐不扣約便宜二百餘萬兩借款一成則不  
致債事乞密達首座

李傅相來電

四月初十日

首座恐貽累牢不可破頃英德聞此議將成大抱  
不平告以英公司挾制多端德並無商求承辦望  
速將英公司如何議未成速電署備抵制

寄李傅相

四月十一日

英商恭佩珥議擬專條或造枝路與京漢路連接或造  
漢粵路若借洋款別人章程與英公司一樣仍向英公  
司借等語草合同稿三月十三已詳電總署香帥以俄  
踞北路故英欲占南路香港北岸九龍等處皆久成英  
界恐隨時借端生風漸圖干預不如小國承造則無此  
患所慮甚遠而恭佩珥言如粵路不借英款恐爲法佔

故必欲立此專條因此中止且利息四釐七毫半九五扣與比商現議四釐九扣亦較重英商不肯先讓今日即使允與比商一樣亦難舍比就英竊料斷不能使英獨向隅香帥面商滬甯蘇杭均經奏准遲早必辦莫如應酬英商一氣辦成昨恭佩珥告總公司譚譯云已接英電允借蘇路款擬俟盧漢定議再請總署酌奪頃承示英德大抱不平謹陳以備抵制並聞英公司德亦在內管見比款如不速定難保不生枝節

寄榮中堂

四月十四日

接傳相電英德知有比議大抱不平英商初議專款欲

涉枝路及粵路如需借款須先儘英公司南皮大不謂  
然奉總署篠電命與比議今比允不涉他事不要作保  
本利數目清單已算准較英便宜各國懷忌似須力持  
定見及早借定俾得放手趕造不逾五年之限轉瞬俄  
法邊路將成殊堪焦慮乞鈞裁示復鄂廠造軌甚佳盧  
保淞滬之軌皆已自造

張香帥致王夔帥電

四月十四日

杏孫來告比領事接比公使電俄欲攬辦中權鐵  
路聞之駭異此患太大不知總署能搪抵否如歸  
俄辦則此鐵路不如不修之爲愈矣焦急之至尊

處必有所聞請速示復

夔帥復香帥電

四月十五日

鹽電祇悉比使所言此間尙無所聞論理俄方經營吉黑借道未必遽露圭角硬攬中權卽有是議總署當亦不致輕於一諾惟比款草合同已電咨多日尙無決斷復音或仍三人列名設法一催何如希與盛太常商之

李傅相來電

四月十五日

英德交關吾獨力持眾議未定

寄李傅相

四月十六日

望電所謂英德如專指恭佩珥一路昨其幫辦來鄂面談伊公司德亦在內恭在滬求霍使霍允與署爭如比款已定請將甯滬蘇杭路借彼之款伊亦無辭云峴帥以陳等爭設大中公司併招洋股來咨亦欲總公司趕造蘇滬似可就此解圍總公司有蘇滬招股有益去年奏明在案如鈞意謂然只須告霍使飭恭佩珥與宣商議如不推出則不成者皆向總署交關事更難矣從前電務師但課成功不爲掣肘路若不然何以責效

寄總署

四月十六日夔帥香帥會電

蒸電呈送比款草合同稿後已將本利清單算准四釐

九扣較五釐不扣節省二百餘萬之利比讓在先卽他國照此辦法亦不能舍此就彼致使比人有詞比領事聞他國爭謀屢催定議伊行並肯立函據言明款皆比國某行某廠拚股承借實無他國之款故亦不用印發散票比合同第六款若比工司勘路之後以爲尙須展限應再定奪實在告竣年期三句已令刪去韶等愚見比究是小國不過圖工作之利別無他志若用大國之款辦此中權幹路實多不便千萬宜防而鄂廠現造鋼軌甚佳盧保淞滬軌將造成將來外購料件亦屬無多似應及早定議藉可息爭聞各國謀攬此路款者甚多

其心難測夜愈長夢愈多萬難面面俱到也總之無論何國來議路款者務懇鈞署以此事由公司商議爲詞較易搪抵乞鈞裁電示再他族視中國強弱者以學堂礦務鐵路銀行爲根本船堅礮利猶其次也此次銀鐵兩事若仍議而不成外人將以爲中國決無自強之日從此覬覦環生禍且至於不可思議此文韶等不能無鯁鯁過慮者也迫切陳詞並求鑒諒

寄王夔帥

四月十六日

比使及陳次亮謂俄欲攬中權似無其事傳相謂英德交關眾議未定是確政府於宜慎者忽之宜斷者疑之



大局奈何

李傅相來電

四月十八日

前電奏 旨交總署察核而邸樞無暇到署會商  
吾先遞節略極言比議可准翁謂然不敢獨斷英  
德使各有函爭與英再三面駁已無言聞德亦解  
美雖瀆陳更易與耳頃比使來稱定草約已八日  
監工急欲勘路擬令卽日起程尊處會奏斷不可  
遲摺內但云電奏數次比催定議勢難再緩失信  
似不能不准也

翁韋齋來電

四月二十日

昨德美來爭首座峻拒彼皆遁詞摺到當無不諧  
張致李件已閱悉儀催摺想鑒及

寄總署

四月二十一日

銀行呈送章程內原定三月開辦奉文查復後曾具函  
聲明俟鈞署核准須在四月杪開辦嗣奉鈞咨核准並  
令及早開辦卽經傳諭眾商遵照商董會議擇定四月  
二十六在上海先行開設中外早已傳揚若屆期不開  
失信莫大乎是商股必至全散以後諸事萬難招股不  
僅銀鐵兩端也昨奉 寄諭管御史所奏防弊各條自  
應遵 旨會同悉心覆議隨後再行具奏如實有窒礙

處不妨續議更正以免中輟應否代奏乞賜鈞裁

王夔帥來電

四月二十一日

效號電均悉俟奏稿電到當速具摺會奏此事樞  
署兩處實恐他日國家受公司之累以致遲疑不  
斷決非別有隱情此何等事登高四顧具此氣魄  
者尙有何人若謂下則有人營謀上則另有屬意  
鄙人敢臆斷其必無閒亦有疑及安定者安定果  
有此意必藉延陵爲外援是眾射之的也何慮乎  
惟日乍游移恐比款搖動又多費手耳此時勢成  
騎虎仍用著豎起脊梁立定腳七字切勿惶惑爲

屬

寄王夔帥

四月二十二日

箇電謹承教琴來電屢言木有他意在京時與木尙聯絡而皮亦深慮之豎起脊梁立定腳刻刻在念但祇此精力辦事尙嫌不足兼以對付恐更竭蹶惟仗兩帥扶持得速成乃告無罪

李中堂來電

四月二十二日

與虞山約俟公摺到卽請 旨批准若先詢謀則錢剛且異議況首座耶善棋用刼著此也已函告比使俟正約畫押比二人再起程甲進京送公使

畫押乙勘路但勘路勿庸多派員無益有損

寄總署

四月二十二日

據博來稟今日朝鮮委員到當告以各事備妥祇須朝鮮付還義州綫借款七萬兩後即可簽字彼已電漢城請示云

李傅相來電

四月二十四日

摺可批准銀行開辦但求妥協謠言自息比國求緩半月再畫正約恐勘路後須有改變之處吾謂彼此相諒亦尙易商

寄夔帥

四月二十六日

是發不更 卷二十七  
廠路得煤爲要開平路遠難接濟右帥銳意湘煤望速  
催鄺榮光來鄂趁宣在此可料理如不得煤必致多買  
比料漏卮以千萬計殊可惜

寄李傅相

四月二十七日

美總領事來鄂密商如願照比約須求商辦他路其意  
注粵漢竊想津榆師所創原奏極鄭重若就此止坐聽  
俄人代辦昨是今非必多異議俄廷前謂中國自造准  
接夔帥函來密商借款接造之法如借美款先造至奉  
省止再自請部款造至甯古塔與俄路接俄可無辭究  
可用美款先造一段美亦不爲俄忌乞裁示後再與夔

帥商

李傅相來電

四月二十九日

中朝無人議及關東接路俄公司辦幹路限六年  
成已形竭蹶遑暇兼營吉奉枝路盧漢借款議者  
蠡起吾與常熟力持乃定豈可遽議美修粵漢奉  
吉耶華士賓已行函稱交比辦十年難成比使顧  
慮亦在此務慎圖之

又

四月二十九日

金達前呈鐵路應歸一律章程甚詳安應交比監  
工查閱照辦否則將來與津盧不合轍爲害甚大

比人向未替他國做路歐美均疑詫又聞比廠橋料多舊式訂辦時尤要講求重力又金達面稱盧保應用鋼軌墊木秋閒急需並無復電應速詳細告知英使前爭比事告以盧保係分與金達做伊始默然

寄李傅相

四月二十九日

俄無暇兼營吉奉已將鈞電密呈南皮一概不議英美藐視比工正可借資激勵軌轍四尺八寸五自必一律盧保軌木已定不致誤限

寄湘撫陳右帥

四月二十九日



湘線得通使二十二行省電工告竣微公勲德不及此  
強兵富國在鐵路而鎔鐵製軌在開煤不用機器不得  
開至深處不用西法不能安置機器鄂鐵之利鈍視湘  
煤之成否爲準甯鄉焦炭甚好惜尙含礬乞飭局速運  
百噸試用爲盼

李傅相來電

五月十五日

頃比利時公司總辦杜夫尼瓦林等由該國來京  
晤談云卽赴滬與弟會商將正合同畫押後仍回  
國籌款及後路事宜杜瓦等於造路工程甚有閱  
歷可與討論一切

寄李傅相

五月十七日

博來電稟俄使定欲恰線來年九月完工惟庫倫因牛疫車少木桿一萬根卽索砍運費十五萬兩共總約需三萬根木價一項便要四十餘萬兩斷難辦理只得由鄂廠自造三節鐵桿自造牛車自運但須展期方來得及擬二十三年造至張家口二十四年九月前造至庫倫二十五年九月造至恰克圖務求師與吳王一言此等小事當可通融因海蘭泡現在一樣通電恰線遲早無甚關係

又五月十七日

比領事法蘭吉偕其公司新到人翟福尼赴京聞福尼有全權頗挑剔合同條款先彼派一工程司海沙地勘路已行昨又派馬西及新到工師多海法勒續進勘路謂須勘明大略再到滬立正合同似此又遲擱兩三箇月宣日內回滬可否請告比使催福尼到滬商訂一切軌路有美人圖說甚詳晤時當可密告

寄總署

五月十七日

據博來稟俄使云奉俄京諭令七月一號起商減中俄往來電報之華本線費博復以此事於大北新立合同有礙俄使允復俄京緩辦請速電總署倘俄使來說此

事須請照回復爲要云乞鈞核

香帥致夔帥電

五月二十一日

管君摺急須復奏查銀行乃保護中華商民利權之舉弟甚樂觀厥成惟銀行事弟實未能透澈

諭旨有計出萬全究竟利弊若何徹始徹終詳細具奏之語豈敢率爾置議且西國銀行官開商開判然不同其章程竊亦聞知大略而此次原擬章程不官不商亦官亦商不中不西亦中亦西利弊殊難詳審杏孫老謀深算自毋庸旁人妄贊一詞此次復奏弟可否毋庸列銜亦不知爲不知之義

也特奉商祈鑒察示復

夔帥來電 五月二十二日

香帥箇電於議復銀行事大有微詞商勿列銜此如何可行希飭局鈔稿一閱此聞當再與設法婉商尊處似宜稍與委蛇以顧局面至要

夔帥復香帥電 五月二十二日

箇電謹悉銀行事我兩人本未與聞管摺交議當是樞府因鐵路誤記既奉 諭旨自須會議杏孫電來但言尊處屬其擬稿並未言及如何辦法今讀來電知彼此尚有異同杏孫才足濟時而屢憎

於人我等旣因鐵路汲引之似宜始終護惜俾底  
於成若因他事稍有參差恐外人乘隙而入轉於  
大局有妨此案擬請仍如前議屬其趕緊擬稿其  
命意措詞有不合處希從實改正賜讀如有管見  
所及亦可三面往返熟商期臻妥善而止我公宏  
才雅量中外欽仰區區愚忱望垂鑒焉

川督鹿芝帥來電

五月二十七日

川省夔忠綏三屬本已災廣振絀竭力布置勉顧  
目前但酉陽等屬又遭雨雹災情復與夔忠相埒  
災患未已時日方長前開振捐因難融銷未便減

折今應變通以濟眉急擬照湖北現辦減折章程  
近年各電局勸集最多且速務希分飭廣爲募獎  
共成鉅款源源匯蜀全活饑黎仁施無量並寄實  
收若干電知照寄公於籌振向無畛域力任解推  
特此飛電懇瀆

總署來電 五月三十日

頃俄巴使來署言電線接恰克圖不得過明年十  
一月初一日之期博來允今冬可由京造至張家  
口明年可由恰造至庫倫勿再遲誤俟此兩路接  
造就緒或議稍展緩期又俄線已經減價華線亦

應酌減大北允從並擬具俄陸線續約改訂三條  
請飭遵辦本署告以電務向由貴處核議應卽咨  
鈔行令迅速核復怡線定約已久屢請緩期殊不  
成事無論如何爲難必須從兩頭設法做起俟由  
怡至庫再商緩方近情理餘俟咨到速復

寄總署

六月初一日

京至張家口線已在漢口運木今冬必造成明年由怡  
造至庫倫只須木料齊備不致遲誤庫倫大臣來函每  
萬根索砍運費十五萬兩爲從來所未有必須另籌辦法  
庫倫至張家口只可商緩一二年以紓商力俄線續約



改訂一節俟文到核復減價大北並未允大北擬與華局會同復俄請鈞署總推公司核議

寄李傅相

六月初二日

月杪回滬比人德福尼等來見欲於正約外加立續約另索借款費用七釐半計三十萬五千磅駁以草約定後不應節外生枝彼謂一千八百九十四年匯豐借款三百萬磅另約在合同之外補給用費六釐半後竟用至十九萬八千九百八十磅并不止於六釐半今當援照辦理又謂總署現議借英德款草約已定五釐九六扣約外亦須另給銀行用費又謂四釐九扣只合四釐

八毫半故用費必須另給意甚堅持查武昌草約係漢口比領事法蘭吉一手議定現據法蘭吉云若非欽差吩咐以後應由滬領事介紹然非原議之人礙難調處乞轉致費使速電法蘭吉留滬將此事調處妥當畫定正約再回漢並乞告費使須勸諭德福尼不可在草議之外另生枝節致爲各國所笑匯豐行用是否在立約後另議求查示

寄王夔帥張香帥

六月初三日

比公司德福尼請於正約外加立續約另索借款及三十年比公司費用七釐半計三十萬五千磅駁以草約

定後不應節外生枝彼謂一千八百九十四年匯豐借三百萬磅合同之外補給費用六釐半後竟用至十九萬八千九百八十磅并不止於六釐半今當援照辦理又謂總署現議借英德款草約已定五釐九六扣以關稅鹽課抵押約外亦須另給銀行用費又謂四釐九扣只合四釐八毫半故用費必須另給照例中國公司如有用費亦可在此內開支約三分之一等語似此比公司加索費用實計二十萬磅之多殊出意外駁以失信則謂到京後纔知新借國債息大則息小之票難售又知向來借款皆有另費此次借款爲中國向來未有之

便宜如再有便宜者可請另借意甚堅執除再設法磋磨外謹先密達

李傅相來電

六月初四日

頃費使來言外部聞中國現在倫敦議借款五釐九四扣比款同時賣票不便求另訂五釐告以英款并未借妥各事各辦且去年借英德亦係如此比豈不知豈能允諾於前翻悔於後貽各大國譏笑費謂容另想法法蘭吉已回漢卽電令來滬

又

六月初四日

已照冬電函告費使勿任德福尼等於草約外加

索用費巨款並令原經手法蘭吉留滬商辦正約  
匯豐前借三百萬磅係在中日交戰時斷難援照  
上年借英德一萬萬約外實無另給用費

夔帥來電

六月初四日

比款忽生枝節卻非意料所及固由新借國債息  
大之故然比款息輕尙有監修購料兩項利益爲  
他項國債所無此層當可抵制惟旣經開口必不  
肯空手罷議如何設法磋磨之處想智珠在握必  
能避重就輕也

寄王夔帥張香帥

六月初五日

比使電稱本大臣一律甚願迅速將正合同畫押一面  
卽與李中堂講明現今在歐羅巴由中國借款國家保  
借五釐之款因此尤難在比國借四釐之款是以德福  
尼係和藹之人請貴大臣與德福尼通融辦理合同內  
按照最合式之樣作成將緊要修改妥當本大臣允准  
法蘭吉竭力襄助貴大臣欲其在上海有使用之處自  
行電知其人必當等候云法蘭吉係訂草約原經手已  
回漢口請飭蔡道催令來滬以便理論

寄川鹿芝帥川東道任逢辛觀察

六月初五日

此間湊墊十萬兩交嚴紳作霖赴賑而路險難帶現銀

交匯又難籌匯費擬請將川省應解上海洋債等款截  
留十萬解夔卽交嚴收此閒卽代解上海道或他處均  
可一舉兩便乞示

王夔帥來電

六月初六日

津局鑄造銀元成色分兩均如式本地已與騰洋  
一律通行惟銷場太窄周轉不易能就銀行設法  
推行否希代展一籌是所乞盼仍候復

張香帥來電

六月初六日

江未三電悉已告蔡道卽催比領事法蘭吉速赴  
滬總之路債息輕國債息重自必有此波瀾國債

現尙未定議如能與比款一律豈不大妙閣下能有此神力挽回否姑妄言之祈籌示

寄張香帥

六月十一日

德福尼函送續約六條索費七釐又索勘路使費包給若干又別國洋人亦須比定今日函來言華合同係二十六到期意欲進偪允准各函均卽鈔呈法蘭吉所謂合同仍舊乃巧言也總之國債懸殊斷難允洽辦理不善惟求鈞指

寄浙撫廖穀帥

六月十二日

吳挹青專精法文因鐵路借比款正議法文合同暫留



幫辦月杪事畢卽來浙

寄李傅相 六月十三日

德福尼遞續約六條所求用費三十萬磅華一比二與費言暗合昨告以草合同所載買料五釐用錢須除去後方能另議用費彼已允除去至數目尙須磋磨日來英德聞風願來遷就如比要挾不多可仍舊貫然必須求師轉致費使勸抑之萬不能如其數也

寄夔帥

六月十三日

銀元已設十二局而官用元寶民用英洋終恐無銀可鑄南皮深以改鑄京平一兩上下通用爲籌餉良策通

地球無用他國之幣者舍此不足抵制英洋畫一權量  
南皮屬商鈞處如意見相同可約數省會奏廷議本已  
允試鑄十萬但此利權甚大仍應歸官若僅步武英洋  
無甚利益俟京津行開設遵當飭令通用

張香帥來電

六月十三日

法蘭吉向蔡道云擬卽赴滬調停當促速往但恐  
法往亦無益耳國債與鐵路借款略有不同兵債  
息重路債息輕外洋通例此或是辯駁之一助彼  
知我他無可借故敢反覆要求或姑與德商何如  
將來行用恐不能全無或別設法略加貼補以冀

轉圖至他國洋人亦由比定此尤無理難從彼既以國債懸殊爲詞閣下能密商大農將續借英德款統由尊處商辦告合肥夔帥有何主見祈示

寄香帥

六月十四日

歐亞皆知比悔轉而另商今非昔比國債較易辦但不便兜攬合肥仁和電屬酌量辦理似無成見擬訂期磋磨法蘭吉如來滬有益無損口氣自宜帶緊

寄李傅相

六月十六日

頃與德福尼議將草合同第十二款載購料五釐酬勞刪除改照借本四百五十萬磅另給五釐費用二十二

萬五千磅於明年頭批借款內提存銀行每年由銀行  
付給七千五百磅勻作三分一爲開辦路工局費歸總  
公司支取一爲監工勘路用費一爲賣票公費歸比公  
司取德福尼請勘路另須給費約四萬磅卽告以鈞電  
費使所云監工勘路用費已勻給一分在內不能再給  
德云費使之言必有誤會乞轉告費使說明監工勘路  
應提三分之一只有賣票一分比可入已德接費電謂  
中堂已允費請故擬本此三分磋磨比重師言望再勸  
費電德庶可速定

寄王夔帥張香帥

六月十七日

傳相電費使來言銀行總董議明年頭批撥款內提銀二百萬兩交中國銀行代存勻作三分一爲開辦路工局費一爲監工勘路用費一津貼該公司賣票市釐利息照此則正合同即可畫押希酌辦云德福尼來信限二十七定議過期卽悔議昨會議擬將第十二款購料另給五釐酬勞刪去照借款數目另給五釐費用二十二萬五千磅交銀行代存分作三十年每年付給七千五百磅一分歸總公司作正開支一分抵勘路用費一分歸比公司賣票費用德欲另給勘路費約四萬磅又欲二十二萬五千磅三十年遞息約須加倍意甚堅執

除電比外部飭其公司遵約並請傳相與比使理論外  
如彼來就商大約勘路費仍須另支乞鈞酌示

寄北京比費使

六月十七日

本大臣已竭力遷就允增出公費卽是勉體貴大臣之  
意德福尼固執不從恐致決裂有礙比國利益祈向比  
公司請令德福尼依議畫押爲盼

寄比國外部

六月十七日

前因中國鐵路借款貴國公司曾派人來華稱有全權  
與本大臣商議乃草約旣畫後貴國公司又另派德福  
尼來華以畫正約但該員於合同之外添索巨款公費

本大臣已竭力遷就奈彼固執不從恐事決裂不但有傷貴國體面且于貴國商務亦有所損因在友邦之誼特此布告煩電勸德弗納迅速依議畫約以固兩國交好爲盼

夔帥來電

六月十八日

霰電縷悉此事爲各國所忌百計阻撓端倪已露夜長夢多以稍認喫虧趕緊定局爲是

北京比使來電

六月十八日

本大臣一律如貴大臣願意如所商議速催辦結但按照銀行市情貴大臣明知務應與比國公司

交給所欲三十萬磅且德福尼與貴大臣達知該  
銀款如何費用之處按照一律李中堂再與本大  
臣現今聲說之意盼望貴大臣與比國公司經理  
人德協合且其人有代辦公司之用費

寄王夔帥張香帥

六月二十日

頃寄傅相電文嘯號電謹悉德福尼來議全索現費三  
十萬磅不刪賣料五釐甚堅執示以嘯電意稍轉謂須  
允以總公司造別路借款先儘比則可通融至通融之  
法彼索四釐利之外另給小利三毫八可刪料費宜允  
給二毫作外費連大利四釐二毫如允許後來生意或



可轉圜聞比甚富工作亦精但德福尼要與法蘭吉爭功耳津榆路現欠怡和德華匯豐一百餘萬卽須歸還中後所至錦州未完之工卽須做完照金達原圖推至老邊亦所應辦將來若歸比辦似俄不致作難可否由公司另給一函云如山海關展路至老邊由總公司辦可允照盧漢合同先與比議似此則德有體面成事不毀而榆路亦可備接展矣乞鈞裁示云

李傅相來電

六月二十一日

兩號電悉德福尼確是該國信用之人所索太奢難允由弟酌辦至榆關外接路切勿輕允將來尙

有變局

寄王夔帥張香帥 六月二十二日

今日德福尼來議舌敝唇焦堅持不鬆一請加小利四毫連正利共成四釐四毫一切費用在內二扣回總公司費用四萬二千磅三刪除買料五釐四包辦勘路繪圖薪費另給四萬二千磅不如此便決裂按照費使所云不刪賣料五釐另索頭批借款內提存三十萬磅全歸比公司稍合算若轉向他國議借亦恐居奇因各國皆言比債難辦限期止有五日止似只可遷就畫定正約如另有辦法乞速電示如卽照辦應否會電總署或俟

送正約時附片奏明祈鈞示

寄李傅相

六月二十二日

奉馬電勿允關外接路事今日德福尼會議一請加小  
利四毫連正利共成四釐四毫一切實用在內扣回中  
國使費四萬二千磅二買料五釐刪除三勘路繪圖新  
水川資一切費用在內包辦給四萬二千磅若不允卽  
決裂照費使所言不刪賣料五釐須另索頭批借款內  
提存三十萬磅全歸比公司稍合算現若轉向他國議  
借亦必爲難似只可照此定議乞與大農商復卽畫正  
約擬送正約時附片會奏

張香帥來電

六月二十三日

尊議以關外路餌比人甚妙此策若行比利保輕  
遼路亦可成矣鄙意以爲上策但不知總署意如  
何傳相能主持否

李傅相來電

六月二十三日

禡電加利四毫連勘路費在內又刪買料五釐附  
片似尙易立言此款中朝所不問農部所不知由  
弟自酌定

張香帥來電

六月二十三日

尊議較費使所言尙可省五六十萬兩鄙意除關

路作餌之外實無他策如關路不能接似可照尊  
議畫定正約此乃鄙意如此仍望與夔帥商定至  
此次所加小利乃公司出似於送正約時附奏亦  
可

又六月二十三日

昨禡三電想均達以關外路餌德福尼此策極妙  
但恐須密電大農爲妥若大農知遼路不能不接  
修前債不能不還則事諧矣

又六月二十三日

關外路尙有變局不可解豈約定必歸俄修耶閣

愚齋存彙

卷二十七 電報四

三 思補樓藏版

下能否飛電密詢大農如大農必謂遼路不能接  
修再定正約何如

寄香帥 六月二十三日

漾三電謹悉德福尼又來言比畏俄遼路不願問所謂  
變局者只可另謀救解小利可於送正約時附奏傅相  
復電亦然德狼鷺步步想進佔比外部復電尙有展緩  
限期之說如再翻腔英商有願照比草約者不涉粵漢  
可否作備卷乞鈞示

寄李傅相 六月二十三日

密電謹悉美總領事佑尼干接紐約密電如以海關鹽

課及粵漢鐵路抵借一百四十兆以百兆歸國家用四十兆歸粵漢鐵路用兩合同一氣議可便宜俟有續電再告等語如續電確實可否令美人到京面議乞鈞示

李傅相來電

六月二十四日

濛電粵漢鐵路並議無此辦法俟其續電再聞

張香帥來電

六月二十四日

遼路既無可商只可就此定議比款議已數月此款不成他事難辦改借他國必須再奏必致枝節橫生且英商此時雖說得好聽若辭比款必又刁難其時進退維谷洋商慣技想已燭察

寄李傅相

六月二十五日

另加四毫王張均屬照辦德福尼擬在草約上畫押卽作爲正合同並另加續約未知有此辦法否查俄法英德借款合同均須將奉 旨日期載在正約另繕正合同畫押似應照辦再比外部復宣電尙有展限之說此次德福尼是否有畫正約之權應請總署函詢比使以免將來再生枝節德催二十七畫押乞示

寄夔帥

六月二十五日

昨以紗廠商請鈞裁峴帥復電云疏稿函電並鄭丞面述深佩盡籌窮變求通實爲保商至計第設廠內地旣



非必須奏准方能興辦近來紳商尤復心志難齊商定之事每多中變與其空言於先何如行而後言事較徵實執事既與眾紳商密計此爲長策凡內地未經設廠等處苟不致自形擁擠儘可仿無錫辦法令諸商先自度地稟請營謀辦有成效再行入告庶慰宸廑敝處苟可維持亦無不竭力蘇廠本待招股接辦通廠近已漸次就緒應否另謀變通尙須統籌商酌至滬上華廠本商本商辦裕晉售歸洋商卽係聽商自主若華盛因係布局改設曾經奏明今租與洋商必須陳奏應歸北洋主政請逕商夔帥核辦現已照裕晉事咨復冰案等

語

寄李傅相翁尙書王夔帥張香帥

六月二十九日

正續合同昨已簽定德福尼初三回國卽代請總工程  
司來限六箇月內開工漢端各事均已預備

寄李傅相

六月二十九日

專議國債一千六百萬磅息五釐九五扣關稅不敷以  
內地糧課劃交海關分還上海則由中國銀行代收代  
付藉有體面照去年英德借款便宜一扣頭如要試議  
請將英德洋文合同寄下先議大略再令入都乞電示

李傅相來電

七月初五日

寄張香帥 七月初八日

津榆聞已借匯豐千萬皆胡吳密謀傳相亦與聞似可  
展拓惟如此分截目前盧保尙無機廠金達知我全路  
歸比心不向我事事掣肘矣粵漢現議借美款蘇滬議  
借英款俟有成卽馳達若再爲他人奪則盧漢股分難  
招洋債難還故不能不撒手速辦粵漢擬先派華員勘  
路因洋人皆須華人領導究屬由湘由贛請與右帥電  
商示知蘇滬路錫樂巴有圖說前係鈞處派勘洋人理  
路最清請由鈞處向其索取咨送公司以便及早定議

湘撫陳右帥來電 七月初八日

夔帥來咨據張道稟稱開平林西各開新井俱廊  
榮光經辦如別訪得好手再分用云似此決難遽  
來小花石煤甚佳而厚榮光曾看定可用西法開  
南洋棲霞煤礦係吳述三主辦此人聞與榮光伯  
仲請詳加訪察見示如可勝任卽與峴帥商之彼  
處可用洋礦師或可通融

寄李傅相

七月初九日

已與佑尼干訂定只議國債成否十五爲限呼利詹悟  
生公司復電已允照辦用釐金不用地丁其董事十七  
八必到卽可定草合

李傅相來電

七月十二日

佳電英公司已允照辦其董事到有無異議巨款恐不易集非比路債可陸續交還議年內儘數償倭照章在英倫全兌將來還本息銀可交通商銀行收付均須細籌如有成議務詳告勿略

張香帥來電

七月十二日

粵蘇各路速籌並舉爲妙能否由湘達粵當卽商右帥錫樂巴蘇滬蘇甯各圖據稱於去臘由甯到滬曾將各圖面呈尊處有存在尊寓者有存在滬鐵路局者請飭查便知等語至鎮江至金陵一段

係比國郭克里廠之工師所繪弟曾一寓目甚精  
細彼徑帶回國不肯留云回比後當照繪一圖寄  
鄂今比款已成若尊處商比公司令其交出必肯  
寄李傅相 七月十五日

英商呼利詹悟生公司派來董事福祿壽已到悉照原  
議借款一千六百萬磅本年交清以海關未抵之稅及  
鹽課釐金抵押周息五釐九五扣各費在內前十年交  
利不還本第十一年起五十一年止本利分還半年一  
付均歸通商銀行經手收付毫無異議以上各款已經  
由律師哈華託擬立草合同福祿壽催十六日畫押此

事想已預先請 旨是否照辦請卽刻電示以便明日  
遵照畫押俟畫押後該公司當卽電英使知照總署正  
合同卽令福祿壽到京限八月十五以前簽定遲恐不  
及

愚齋存稿

卷二十七

三

愚齋存稿卷第二十七